

# 粵海舊聞錄 (二十)

祝秀俠

## 梁鼎芬讓妻之說

吾粵鼎鼎有名曾爲宣統帝師，并嚴劾李鴻章之梁鼎芬（星海），其生平行誼見諸傳記，爲人所熟諳，惟其割妻讓愛與文廷式一事，則鮮爲人知而似若有其事。

郭則澐（閩人，翰林）「清詞玉屑」云：「相傳梁節庵與文道希夙善，其罷官歸（光緒十一年）以眷屬託之，後遂有此離之恨。棲鳳宅改，迸淚花飛，食魚齋寒，驚心覆水，亦可慨矣。節庵室爲長沙龔氏，亦能詩。」棲鳳宅爲梁鼎芬與龔氏結婚時所居之地，名「棲鳳胡同」。「食魚齋」則爲梁任武昌府知府時所居之衙齋，榜題食魚齋者。

梁夫人亦爲名門才女。「越縵堂日記」有一段記載云：

「同年廣東梁庶常鼎芬娶婚送賀。梁年少有文而少孤，丙子舉順天鄉試，出湖南龔鎮湘之房。龔有兄女亦少孤，育於其舅王益吾（先謙），祭酒遂以字梁。今年會試，梁出祭酒房，龔以宗人府主事亦與分校，復以梁卷撥入龔房，今日成嘉禮，聞新人美而能詩，亦一時佳話也。」

在清末兩部著名小說「孽海花」與「二十年

目觀之怪現狀」均曾述及此事，「孽海花」寫得較爲簡略，我佛山人則寫來淋漓詳盡，其一百零一、二兩回所謂「梁頂蕙恩愛割夫妻」「溫江月義讓夫人」均影射此事。梁頂蕙與溫江月均爲梁鼎芬，蓋梁字星海，江月即影射星海也。書中云：「忽見武香樓（指文芸閣）從自己夫人臥室出東向外便走，溫江月直跳起來，跑到院子把武香樓一把捉住，嚇得武香樓魂不附體，溫江月把他一把拖到書房，捺他坐下，然後在考籃取出一疊楊稿來道：「請教請教看，還可以有望嗎？」武香樓才放下心擊節讚賞道：「氣量宏大，允稱元作！」詞句備致嘲諷。惟此屬小說家言，或未可取信。蓋文廷式爲光緒十六年庚寅科榜眼，梁鼎芬爲光緒六年庚辰科翰林，梁較文入翰林爲早，梁向文請教科場文卷，顯有顛倒。清末所謂譴責小說，其影射時人事，故弄玄虛，往往如是。

## 順德縣兩位「二樵」

羅浮山在廣州之東，又名東樵，有四百三十二峯之勝。西樵山在廣州之西，約百二十里，有七十二峯。東西樵山均多名勝古蹟，風景秀美。

歷來粵中詩人學士，均喜往來二樵間遊覽，或隱居其中，優游歲月，遂有文人以二樵山人爲別號者。最爲人所熟知即詩書畫三絕之黎簡。但早於黎簡，即有另一號二樵者，爲明萬曆年間之薛起蛟（炎洲）。薛亦順德龍江鄉人，其兄始亨（劍公）爲一忠貞之士，兄弟並負文名。明亡，隱匿西樵羅浮山中，與屈翁山陳恭尹等交遊，有志匡復。善書能詩，所編順德縣志、新會縣志極有法度。年九十八始卒。

## 黃佐十八世書香

曩昔廣州雙門底，有大司成牌坊一座，是爲南京國子監祭酒大儒黃佐泰泉先生而立。由大司成里進入，即爲黃文裕公祠，蓋其廣州城舊居也。佐八世孫培芳，字子實，又字香石。嘉慶九年副榜，道光二年充補武英殿校錄官。操履端正，詩文著述等身。在廣州世居舊址，藏書五萬卷，題所居曰「粵嶽草堂」。其門聯云：「四百年里第。十八世書香。」宋明以還，粵中名儒巨宦，數在不尠。但其家世，能稱上四百年里第，書香綿延至十八代者，殊爲罕見。

黃佐字才伯，香山仁厚坊人，其祖瑜，舉人

，曾任知縣，徙居番禺番山下，學者稱雙槐先生。父畿，郡庠生，以養親歸，隱居粵山之椒，精研易理。廣東新語謂「粵人著書之精奧者，以畿為最。黃佐庚辰進士。明世宗廷試，五試皆掄元，授編修。學以程朱為本，歷官至國子祭酒。從遊者衆，年七十七始卒，學者稱泰泉先生。其所纂撰廣州府志，香山縣志，廣西通志，羅浮山志，均著名。子熊文字湘山，郡庠生，亦深研易學，負時譽。傳至十世，崇奎以詩詞顯，有滋孫詩草，簾花書屋詞鈔。十一世佛頤，粹於文史，分纂香山縣志續編，廣州城坊志六卷。歷代著述不絕，誠足稱書香門第也。」

### 清華首任校長唐國安

清華大學前身為清華學校，其首任校長為粵香山人唐國安，此近人所罕知者。唐君為早年赴美留學之早期官費生。蓋自容閔建議曾督國藩奏准清廷派遣幼童赴美肄業，前後計有三批，每批三十名。第一批於一八七二年由陳蘭彬帶領，著名之詹天佑即其中一人。第二批由黃勝帶領，唐國安在內，唐香山籍，其時年僅十四，肄業於耶魯大學，習法律，畢業後襄助留美學務為會辦。清華學校組成，返國任第一任校長，清華規模，多訂自其手，為人溫厚有禮。卒年不詳。

### 蘇東坡在廉州

東坡居士謫粵，在惠州瓊崖兩地留下軼事人所共傳。惟東坡來粵，經韶關，清遠至穗城。復曾由瓊州而到南路廉州。其在廉州雖時日無多，

但遺跡亦有多處。周勝泉學兄合浦人，合浦在宋代為廉州府治，曾為一文述蘇軾在廉州事蹟引史傳及蘇詩所紀，至為詳瞻。爰摘錄之。

宋史蘇軾傳云：「貶瓊州別駕，居昌化……徽宗立，移廉州。」東坡集中亦有：「元符三年庚辰，五月大赦，量移廉州安置」之紀。

東坡由瓊渡海移廉，先經徐聞至海康，再西行赴廉州，入合浦縣境，經興廉村宿淨行院，有詩云：「荒涼海南北。佛舍如雞栖。忽行榕樹中。跨空飛拱研。當門冽碧井。洗我兩足泥。高堂磨新甌。洞戶分角圭。倒床便甘寢。鼻息如虹霓。僮僕不肯去。我為半日稽。醉兀十里溪。歸路老更迷。」

嗣以大雨水漲，不能陸行，乃由海道西行赴廉城。有書紀合浦舟行事云：「余自海康適合浦，遭連日大雨，橋樑盡壞，水無津涯，自興廉村淨行院下乘小舟至官寨，聞自此以西皆漲水，無復橋船。或勸乘艇舟渡海即白石。是日六月晦，無月，碇宿大海中，天水相接，流星滿天，起坐回顧太息，吾何敢乘此險也，已濟徐聞，復厄於此乎！過子在旁鼾睡撫呼不應，所撰易書論語皆以自隨，世未有本，撫之而嘆曰，天未喪斯文，吾輩必濟，已而果然。」想見東坡赴廉時路途上之險阻。

合浦縣盛產龍眼，亦產荔枝，人知東坡「日啖荔枝三百顆」之詩句，不知東坡對合浦龍眼亦至欣賞。有詩云：「龍眼與荔枝，異出同父祖。端如柑與橘。未易相可否。異哉西海濱。琪樹羅元圃。纍纍似桃李。一流膏乳。坐疑星殞空。又

似珠還浦。圖經未嘗說，玉食遠莫數。獨有皺皮生，弄色映瑣俎。蠻荒非汝辱。幸免妃子汙。」合浦城外西岸有天后宮，宮前「海角亭」傳為馬援征交趾時所建，東坡曾在亭榜書三字。又題匾額曰「萬里瞻天」。東坡離廉州後，廉人并石刻蘇平面像於亭碑上。

合浦城內有池，滿種荷菱，岸柳垂垂，池中有小洲，築堤與東西兩岸相聯，風景頗佳，洲上有清樂軒、長春亭，東坡嘗寓此。離去後，廉人在清樂軒旁建亭紀念，稱「東坡亭」。城東有井，傳為東坡所鑿，亦稱東坡井。

自宋迄清，歷年既久，明代宣德以後，山賊海寇為亂，廉州地方糜爛，至清初始漸收平，於是蘇軾在廉遺蹟，多已湮沒。清乾隆卅八年間，廉州知府康基田發起重修蘇軾遺蹟，在其所撰「蘇公遺蹟記」中云：「余治廉之明年，開疏城河，宣洩城內池塘積水，於城東隅得東坡古井，去井百弓有池百餘畝，碧水清冷，中有二洲，立亭於上曰東坡。里人云此東坡當年結廬處也。考郡志宋元符三年，文忠自儉移廉，所居清樂軒有長春亭，擅園池竹木之勝，與廉左劉諸人嘯吟其中，今之亭與井，是耶非耶，欲向其處，而風流歇絕，荒烟蔓艸，尋訪無由，蓋勝蹟之湮沒久矣。顧念公所居不可漸滅，酒鳩工庀材，掇之度之，不三旬而告成……為一郡勝業。」

其後十年，另一知府許鉞又重修之。海角亭內之蘇公石刻像遷置於清樂軒正廳，近年大陸淪匪，文化大革命後，廉州蘇公遺蹟，又不知幾易邱墟矣。

### 三元里義民大戰英軍

鴉片戰爭之役，一八四一年五月英軍艦進佔虎門，並謀薄攻廣州省城。時兩廣總督琦善怯懦無能，表示屈服，願以六百萬銀元作為媾和條件，且勒令粵省民間攤派激納。因而民憤沸騰。英軍退出四方砲台時，搶掠奸淫，無所不至，於是粵民敵愾同仇，轟起禦暴。近郊三元里一帶民衆尤爲激昂，由紳商父老倡組「平英團」。三元里一百。三鄉以社學改爲團練公所，凡參加社學公所團勇，居民則以工人，店舖則以伙伴，均擇其年輕力壯者，按戶註冊，不得向外招募。公所籌募經費，置造武器，構築防禦工事，一時集合團勇至數萬人。迨江寧條約訂立，廣州在五口通商之列，英軍根據條約，要求進城，粵民遂羣起反對。官吏亦不敢犯衆怒。迨英國查理義律率軍艦駛入省河，實行以武力進逼之時，三元里百。三鄉之團勇數萬人即奮起抗拒，初以五千人荷槍擲矛，迎擊英軍，英軍藉優勢炮火出擊，三元里團勇按照預定計劃，退却至三元里附近，人數陸續增加至三、四萬人，將英軍團圍困。時適雷雨大作，英軍炮火盡濕，火藥不能引發，而團勇乘勢將英軍截爲數段，奮力肉搏，三元里一帶多爲水田，道路因雨泥濘，英軍皆穿草履，行動遲緩，雖屢欲突圍，而無法衝出，最後各棄槍械徒手引領就戮，乞饒之聲，遍於田野。義律急向廣州城內官吏求救，廣州知府余保純馳往三元里曉諭羣衆，云和議已成，洋人嗣後不敢再來侵犯，囑團勇撤圍放開洋兵，英軍殘部始得退去。是役，

團勇戰死者二十餘人，英軍則傷亡數百人，爲近代中華義民抗禦外侮之一頁輝煌史事。番禺鄉者至今往往尚能慨述往事。

### 合浦珠與廉州太守

合浦縣爲粵省西南一大縣份，幅員廣袤，古爲百越地。秦屬象郡，漢初屬南越，至漢武帝元鼎六年始討平南越，以其地設置合浦郡。統徐聞等五縣。宋元明清數代爲合浦縣。

合浦南瀕東京灣大海，古時已盛產珍珠，其產珠處名珠母海。明代設官守珠池。平江、青鸞、楊梅三池之合浦珠，其著者也。

合浦以產珠，馬援征越經合浦，勝利還朝，車載蔥荳，人疑載珠北返，因而受謗。此故事人所稔知。至「珠還合浦」一事，爲後漢孟嘗故事，以合浦產珠而少殼實，縣民賴採珠爲活，與鄰縣通商，均以珠易米布，以往太守皆貪婪之輩，多誅求無厭，珠漸他徙。商賈不通，人無以謀生，飢貧載途。孟嘗任合浦太守，清廉自守，深悉人民利病，未歲歲而珠復還，此一還珠故實，遂垂揚史冊，流傳古今。

合浦在唐時隸廉州，廉州之名，大抵亦以合浦珠寶之地，吏守須以清廉爲戒。名符州名，始爲良吏。宋眞宗時危祐爲廉州守，吏進一聚珠扇，嘆曰：身爲廉州守而執此扇以對吏民，獨不愧於州名乎？卻之。嘉靖年間，有徐柏者出守廉州，嚴飭海防，就任時，一老奴肩行李，一短僮攜塵扇隨之，伺迎者麴集郵亭，不知其守也。去之日，襍被外無餘物，謝於衆曰：吾向者固一肩來也

。衆謂數十年來守此土者，能與地稱，惟柏而已。歷代朝廷詔派太監監守珠池採珠上貢，需索供應，爲害地方甚苦。明代景泰間，李遜知廉州，守珠太監譚紀橫暴不法，遜禁之，紀挾嫌誣奏知府縱部民盜珠池，詔逮錦衣衛獄審訊，紀前後林殺民衆及強入民家掠奪財物無數，遜悉發其奸狀，帝逮紀面質具眼，乃抵罪，復遜原官。

合浦雖以珠顯，然因珠召禍，亦非地方之福。廉州府志引還珠亭一詩曰：「此珠萬命沈波底，爭似當年去不還。」又有知縣馬倚元者，在其合浦雜詠中有云：「當年底事設珠場，爲探明珠百畝荒，却喜近來珠不返，依然生計重農桑。」蓋自清乾隆以後，珠蚌漸少，政府亦未再明令採珠矣。周勝皋兄，合浦人，爲予言合浦珠史事如此。

### 梁啓超致中華會館書

光緒二十六年梁啓超自日本渡美，時保皇黨勢力正風靡美加兩國，孫中山先生第一次渡美進行革命，處處遭遇阻力，其二次赴美之被阻登岸，即保皇黨人運動關吏以致之，惟康梁勢力在海外日張，清廷亦至感不安，梁氏赴美之初，時駐美使臣爲伍廷芳，清廷令阻其上岸，伍商諸美國務院，未得要領，乃飭中華會館請其致書在檀香山之梁氏勸其勿來，且加以嚇阻，謂清廷官吏懸賞購刺，謀藥彈匕首以待，切宜自愛，勿投險地，梁得書乘機條陳大義，藉此宣傳，其覆中華會館一函，文字酣暢，聲勢尤壯！中有句云：

「乃承手教，最以自愛，捧誦之餘，未嘗不且感激而且躊躇也。獨念死生有命，非人力所能

強爲。苟其死也。雖安坐廣廈之中，餽以參苓，擁之以近侍，終無可逃。苟其不死也，則如從軍者擲身於硝煙彈雨之間，航海者賭命於鯨濤龍浪之窟，其不死自若也。且無論遠者，即如弟之一身，當前年八月之變，雖有十頭顱，亦不足斫矣。然至今猶儼然生於人世間者，豈非未獲死所，而造化小兒未許我以暇逸耶。人生只一死耳，從未有生而不死者，亦未有死而復死者，死何足畏。弟如畏死，則何難媼姻奴顏，以求自身之安樂，於名場宦海間，自顧才力，度未必出現時官吏下，而予不顧如此者，以良心難昧，而血性不能盡無耳。

「方今瓜分之禍，懸於眉睫！家鄉故土，已屬他人，舉國同胞，將成左衽，使李鴻章伍廷芳清夜捫心自問，豈不知所謂上諭，非出皇上之口，不過賊臣所借以爲傀儡，奉爲詔若神明，仇新黨如蛇蝎者，不過欲媚呂雉武曌曹操司馬懿，以保其目前之祿位而已。不知國且不保，位於何存。種將爲奴，祿更何存。大廈一傾，冰山安在，覆巢之下，完卵難期。」

「至於弟已是九死之人，此後餘生，爲君父而捐軀，爲國民而流血，固所願也。既長死則不任事，既任事則不畏死。砲彈何物？炸藥何物？豈足以阻大丈夫前進不退之心邪！北京廣東，尚且敢往，而何有於金山。諸君子拳拳見愛，代爲之謀，謹謝盛心。幸恕方命。」

抑弟更有實陳者，吾粵飾儲輿懷，尤爲各國所垂涎，九龍廣州灣慘狀，凡有血氣，聞之傷心。毋謂鄰宅失火，於己無關，須知前車既覆，後

軫方虞，試問我三邑四邑香山惠潮諸地，與九龍廣州灣相距幾何？再進一步，則禍已臨頭。今者採奔在朝，內訌紛起，唯有以戕善類，曾無法以拒外夷，念及故鄉，誰敢保其三年之內無事哉。去逆就順，共保聖皇，共救困難，共衛身家，實所厚望……」

中華會館之函，既不能阻梁氏前來，梁以卓越才華，傾動四海，抵美後頗受僑界歡迎，曾在華埠一羣吳戲院演講達十餘日云。

### 王陽明與廣東

王陽明學術思想事功，爲中明一代偉大人物，雖生於浙東餘姚，然與吾粵至具因緣。晚年，陽明奉詔以原官兼左都御史總督兩廣兼巡按，討平廣西思恩及田州土酋盧蘇王之亂，歸師時，並襲八寨斷藤峽苗患，得病上疏乞休，未奉朝命，竟歸，因而獲罪奪爵。身後由吾粵湛甘泉爲撰墓銘，闡揚其生平偉大學術思想，宏揚於後世。陽明先世五世祖王綱公，曾任廣東參政，奉旨征苗死於事。陽明平思恩苗亂後道過增城湛甘泉家宅題詩壁上，有「書甘翁壁詩」敘乃祖死國事。當時陽明與陳白沙甘泉兩先生呼應講學，聲氣相求。

白沙退隱江門築台講學，甘泉歷官兵刑吏部尚書，仕途顯赫，而在理學上成就，大有青出於藍之概。黃宗羲作明儒學案，謂：有明學術自獻章（白沙）開其端，至陽明而光大，白沙主靜學說，實視陽明良知之說爲精深。甘泉與陽明相交契合二十餘年，有一時王湛之稱。

陽明學派中之廣東門人，在明儒學案所錄，

計有方獻夫、梁祥、薛中離、周坦、鄭初一、楊驥、薛尚賢、楊仕鳴等人，不可謂不盛。陽明在當時政壇學海中，均苦力撐持，獨幟奮鬥，倘無甘泉爲之呼應支援，其功業學術恐難流傳千古。

### 國父重視法律人才

國父對於法律人才至爲重視，王寵惠留學英國時，拮据殊甚，國父曾在艱難籌募革命經費中撥五千金與之。革命成功，南京臨時政府成立，國父派伍廷芳任司法總長。人多認爲伍氏長於外交，且正在滬負責與北方議和，胡不任爲外交總長？以此意向國父進言。英文大陸報記者亦曾詢問及此事。國父曰：伍君固以外交見重於人，惟吾華人則以伍君法律勝於外交，伍氏上年曾編輯新法律，故在法律上大有心得，吾人擬仿照伍君所擬定之法律施行於共和國。夫外交本爲一國重要政策，但倘法律尚未編定，雖有俾斯麥拿破崙之才能掌外交，亦將無用。中華民國建設伊始，首重法律，今派伍廷芳博士任司法總長，職是故也。卒發表伍氏爲司法總長，外交總長則爲王寵惠。

訂閱中外雜誌購買中外文庫  
及購買合訂本請寄郵票或將  
書款存郵政劃撥一四〇四四  
號中外雜誌帳戶